



NOS HISTORIA NOS HERENCIA

Nr. 2021 001

Aruba

E TEMPORADA DI ORO NA ARUBA



ROBERTO G. CROES

Amor pa bo ìsla ta cuminsa cu
conocemento di su historia...

CONTENIDO

A haya oro na Aruba

Bushiribana

Balashi

A haya oro, coba oro y laba oro

Districtonan

A HAYA ORO NA ARUBA

Na aña 1824 un mucha homber Willem Rasmijn di 12 aña ta haya un pida piedra cu tabata briya den solo. E sitio cu e mucha a haya e piedra bunita aki tabata alrededor di Rooi Fluit. E mucha homber a core bai na su mayornan cu e piedra y a resulta despues di ta un pipita di oro.

Probablemente prome cu Willem Rasmijn ya caba algun hende lo a haya pipita di oro pero nunca a registra esaki.

Cu e descubrimiento di oro di Willem Rasmijn diferente hende na Aruba a cuminsa busca oro. Ta tur hende a bai cana den rooi y berea pa wak si por haya algo.

Y en realidad algun hende a haya pipitanan di oro pero tur loke a haya e tempo ey mester a bende esaki cu gobierno pa un prijs predefini. E pago no tabata hopi tampoco.

E keintura di busca oro a termina na 1830.



Rooi Fluit

BUSHIRIBANA

Entre 1854 y 1872 diferente compania a establece nan mes na Aruba pa coba y busca oro.

Ta e compania Aruba Island Gold Mining Company a construi e fabrica di garna piedra y laba piedra na Bushiribana na 1872.

A busca Sr. Alexander Donati un metsla masha reconocí di e tempo ey pa lanta e edificio y un molina pa garna e piedra.

A traha un tipo di grua di palo pa asina pone tur e piedra grandi ariba otro.

Tambe a traha e molina pa garna e piedranan.

E idea tabata ta mula e piedranan na pida mas chikito y lo laba e restonan di e piedranan cu awa y asina e pipitanan di oro lo keda.

Pero e proceso pa haya e oro no ta cla. Ainda mester smelt e piedra y pa haya e oro.

E fabrica completo di molina, motor di steam y tankinan di awa lo a costa alrededor di 21 mil pound sterling.

E motibo cu a traha Bushiribana ta cu e ta keda cerca di e benanan na unda cu ta coba oro.

Benanan manera Kadushi, Matavidiri (Matividiri), Sero Cristal, Wariruri, Bazijn (Babijn) pero tambe di Daimari, Kudiwari, Tamarijn y Angochi.

For di literatura cu Nos Historia Nos Herencia por a lesa cu tabata tin hasta un locomotief cu tabata transporta piedra grandi for di e mina of bena di Matividiri pa Bushiribana

E sistema di trabao pa haya e piedra tabata hopi primitivo. Cu piek, barete y shovel ta cuminsa coba y traha tunnel. Cu bijtel y mokkel tabata kibra piedranan grandi den pida mas chikito y ta transporta esaki den caha traha di tabla. E transporte di e cahanan ta bai nan man na unda trahador pa trahador ta pasa a cahanan na otro.



Sero Gerard

E trahadornan tabata biba cerca di Bushiribana mes. Mayoria superiornan tabata Inglesnan y nan tambe ta biba den cercania di Sero Gerard.

Tin hasta dos ruman Ingles cu tabata biba na Sero Gerard cu a haya keintura geel y a muri. E coleganan a dera nan na e bena cerca di Wariruri.



Wariruri

Awe Bushiribana ta un atraccion turistico pa nos
bishitantenan y nos Arubiano mes.
Bushiribana NUNCA a funciona of alberga cualkier
pirata, colonista of otro hende di indole aki.



Bushiribana

BALASHI

E fabrica mas grandi di laba piedra di oro y procesa oro ta situa na Balashi.

Na 1900 e compania Ingles Aruba Agency Company a construi e fabrica aki.

E fabrica aki a bin na lugar di e labador y garnado na Bushiribana.

E proceso pa haya e oro for di e piedranan tambe a cambia.

Na e fabrica di Balashi a usa e proceso di Cyanide pa saca e oro for di e piedra. Un process kimico.

E posicion di e fabrica di procesa oro na Balashi tabata masha strategico.

1: Tabata haya e piedranan mas liher for di e minanan di Miralamar, Picaron, Cien Fuegos (San Fuego) Yamanota entre otro.

Tabata tin un locomotief cu tabata move entre Miralamar y Balashi.

2: Balashi tabata pega cu Spaans Lagoen y a traha un waf chikito na unda por a ricibi carbon pa usa den e machinenan di e fabrica.

E trahadornan Ingles cu tabata traha na e fabrica tabata biba den cercania.

E director di e fabrica tabata biba na Sividivi, un plantage na rand di Oranjestad. Di e compania tabata biba e director Mr. Jennings, ingeniero Mr. Hoskins y hefe di personal Mr. Farro

Plantage Sividivi mes tin su rol importante den historia di Aruba.

Na 1909 Aruba Goudmaatschappij a tuma operacion di e fabrica.

E directornan tabata Max Arends, Nadi Henriquez

(esun cu a traha e cas den Oranjestad cu a bira Hotel Colombia)

Jan Hendrik Beaujon, Jan Hendrik de Veer, Joseph Zeppenfeldt y

Pancho Ruiz.



Balashi



Sividivi

**** Plantage Sividivi tin un rol importante den historia di Aruba**

Pancho Ruiz tabata e hefe directo di e trahadornan den mina y tabata hopi aprecia entre e trahadornan, Tur dia Pacho tabata recorri mitad isla ariba su burico pa yega su trabao.

Aruba Goudmaatschappij a introduci un sistema pa mantene gastonan di empleado abao.

A introduci un sistema cu nan a yama Trabao Halza.

E trahadornan di mina tabata traha pa nan mes.

Nan tabata coba piedra den e minanan y ta entrega e piedranan na e fabrica y si e piedranan a produci suficiente oro.

A lanta diferente ploeg di trahador cu un hefe. “ E Cables di Tribo” manera nan a yame e tempo ey.

Esaki a pone cu e trahadornan di mina a cuminsa na coba tur caminda.

Esaki e hendenan tabata yama esaki Bena Halza.

E compania a cuminsa produci basta placa pero mester a stop produccion na 1916 pa motibo cu Prome Guera Mundial a cuminsa na Europa y tabata dificil pa haya material pa yuda e proceso di extrae oro.



HAYA ORO, COBA ORO Y LABA ORO



BNA Colección Digital / BNA-DIG-VRECEBREGT-005-013 / Source: <http://bna.aw/digital> / Image/Permission Requests: digital@bibliotecanacional.aw

Nos Historia Nos Herencia ta parti e temporada di Oro na Aruba den diferente parti:

E prome parti ta na e momento cu

Willem Rasmijn, un mucha homber di 12 aña, a haya un pipita di oro den Rooi Fluit e no tabata kico e tabata. Ta despues a conclui cu tabata oro.

Un noticia asina aki, apesar cu e tempo ey no tabata tin medionan di comunicacion, a core hopi liher na Aruba y den exterior.

Ta ser bisa cu prome cu Willem Rasmijn ya caba algun habitante di e zona ey a haya piedra y pipita den diferente rooi na Aruba.

Pero no tin ningun registracion oficial di e descubrimiento aki.


Habitantenan di e tempo ey y algun extranhero cu bin biba na Aruba ariba nan mes a cuminsa colecciona piedra, laba e piedra y lo a haya cantidad cuantioso di oro.

Masha poco mina of bena a keda coba den e temporada aki.

Loke a haya di oro mester a bende esaki cu Gobierno na un prijs predefini.

Esaki a dura te cu 1830.

Na 1838 Gobierno mes a bandona e idea di sigui cu e exploracion y laba oro.



Miralamar

Balashi



Parti tres di e historia di exploracion y explotacion di oro na Aruba ta cuminsa ora cu ta traha e fabrica na Balashi. Un edifice traha na 1900 pa e compania Aruba Agency Company London. Gran mayoria di e piedranan tabata bin di e mina principal di Mira Lamar pero tambe for di Picaron, Cien Fuegos (San Fuego) Den e di tres periodo por ripara cu proceso pa saca e oro for di piedranan a cambia pa un otro proceso.

(lesa Balashi)

Na 1908 Aruba Goudmaatschappij, un compania Arubiano Hulandes a sigui cu e operacion di e fabrica na Balashi pero tambe a cambia algun areglo con ta paga y emplea e trahadornan cu ta busca y coba oro.


Na 1916 Aruba Goudmaatschappij a para tur operacion na Balashi pa motibo di crisis mundial y falta di ekipo y piesanan pa ekipo existente.

Por bisa cu Aruba a experencia 92 aña di industria di exploracion di oro.



Balashi





DISTRICTO

Durante e periodo di 92 aña diferente compania a
haya concesion di gobierno pa haci e trabao di
exploracion.

A coba y a traha mina y bena na diferente sitio na
Aruba.

E companianan a traha diferente structura y a parti
Aruba den diferente districto y cada districto
tabatin nan mes un mina registra. Cada mina of
bena tabata tin su mes un number.

Tabata tin total 17 districto

Districtonan manera

Westpoint (westpunt)

Mosquito (Muskita)

North Church (Noord)

La Playa (Oranjestad)

Calabasa (Calabas)

Paradero (Paradera)

Hooiberg

Bushiribana

Oratakie. (Urataka)

Warawara

Damari (Daimari)

Sombrero (Sombre)

Cien fuegos (San Fuego)

Sabanita (Savaneta)

La Fontaine (Fontein)

Den e districtonan aki manera ya menciona cada
mina of bena tin su number

Den e districtonan aki manera ya menciona cada mina
of bena tin su nomber

Aki ta sigui algun nomber di bena y mina. Pa haci un
ilustracion nos ta usa e nombernan cu nos conoce den
e Aruba di awe.

Na Noord tabata tin Tabushi, Capriles, Klashi Eman,
Henriquez, Dicco entre otro

Na Mosquito cu ta Cero Muskita tabatin Adicurari,
Taylor, Van der Biest, Pos di Noord, Tony

Na Tankelander (Tanki Leendert) tabata tin Meme

Na Calabasa (Calbas) tin mina di Yanchi, Oduber

Na Paradera tabata haya mina di Nuna, Matadero,
Jupiter, Crystal, Tropical, Bluemont, Barnashi,
Hermita, Shiribana

Bushiribana , bo ta haya Kadushi cu ta un di e
mihornan pega cu Bushiribana mes, Matividiri, Serro
Hacha, Gerard, Gato, Andecuri, Corobodi y Aijo

Den Santa Cruz tabata tin bena di Chaboruri,
Warawara, Damari, Santa Lucia, Jean Croes, Cudacari
Nordkap, Sombrero, Manasa, Picaron, Burro Muerto,
Cien Fuegos (San Fuego) Poz di Rey, Serro
Blanco, Mira La Mar, Serro Puerco, Yamanota,

For di un rapport di 1874 por a lesa cu e piedranan cu
ta contene oro ta di bon calidad.

Den tur reportahe semper ta menciona cu e mina di
Gerard y Mira la mar a produci bon calidad di oro.

No ta pornada cu a traha e garnado di piedra y ta laba
e oro na Bushiribana.

Gerard ta un sero y area cu ta keda den cercania di
Bishiribana

Esaki ta conta tambe pa e fabrica na Balashi cu tambe
ta keda cerca di Miralamar.



Roberto Croes

Nos Historia Nos Herencia ta trata di trece na conocimiento y educa e comunidad di Aruba ariba hechonan historico di nos pais.

Mas nos sa di nos pasado, mas nos por comprende nos presente y mas mihor nos por prepara pa nos futuro.

Roberto G. Croes

2021